

NISIN THUHILTU

(An Independent Bi-lingual Daily Newspaper)

Hollywood Reporter in a taklat dungzui ah Apple & A24's film thak sci-fi drama "Bride" ah Hollywood star Scarlett Johansson chu a challengen hiding in a taklang a, Johansson ahileh a film thak "Black Widow" release ding ngak zing le ahi. *Bollywood superstar Shah Rukh Khan in ama non-charitable organisation "Meer Foundation" min mang in, Chhattisgarh ah frontline workers te ding in, Personal Protective Equipment (PPE) kits 2000 donate a bawl hi.*



VOLUME XV, ISSUE 291

KIGINNI (SATURDAY), THATANG (OCTOBER) 24, 2020

₹ 200 per-month

GAS NEWS

Delivery : 24th Oct. 2020

KIMJOE

Booking upto 19th Sept to 19th Nov 2020
No Godown Delivery

SAS

Booking upto 1st October to 19th November
No Godown Delivery

CCpur, Pherzawl & Chandel Dist. ah gua nasatak ah zuthei ding

CCpur, Oct. 23: India Meteorological Department, Regional Centre Guwahati in Manipur ah District pathum - Chandel, Churachandpur leh Pherzawl district huapsung munkhenkhat ah maban dakkal 24 sung ah gua (rain) nasatak ah zu thei ding in a taklang a, district pathum huapsung ah cheng mipi te chu pilvang ding in hiatsakna bawl hi. Zia gual zuk hat ziak a chuh nimchim, khobang chimtha, tui let thei ding, tuilo te tuilet in chum thei ding ahina chung ah pilvang tak ah um ding poimaw ti'n a taklang hi.

A langkhatalm ah tulak cheng gua a zuk zing ziak in state sung mun chuamchuan in tui a lian a, mun khenkhat in 'Warning Level' tiang a tung hi.

COVID -19 natna ziak ah MLA Chaltonlien, RIMS ah ki enkawl

CCpur, Oct. 23: Tipaimukh MLA Dr Chaltonlien Amo chu COVID-19 positive ahi dungzui in, RIMS ah etkawl in a umzing hi. Ama ahileh tuma deu ah COVID-19 positive ahidungzui ah home isolation ah um maleh a oxygen level a niamkiak ziak ah 22 October ah RIMS ah admit a um ahi.


ENGKHUP & DAKI

U Khup

COVID-19 natna nei hih bangtia kibelap zing ziang ahi diam?

Dear Daki

test a bawl sek ziak ua kibelap sek ahi chulam! labuaina e....



CM in Chandel district ah project chuamchuan hong;

November tha apat Kani lei suksiatna nasep nasatak ah chiapi hiding: CM



Imphal, Oct. 23: Durbar Hall, Chief Minister Secretariat ah tuni'n Chief Minister N. Biren Singh in Water Resources Minister Letpao Haokip, Agriculture Minister Oinam Lukhoh, Deputy Speaker K. Robindro, Advisor to CM (Health) Dr. Sapam Ranjan, Manipur Development Society Chairman M. Asnikumar, Chief Secretary Dr. Rajesh Kumar leh DGP L.M. Khaute uapna toh Chandel district ah Tribal Area Inclusive Growth Infrastructure Project nuai ah Khengjoi village leh Khangbarol village a ding water supply scheme hong in, Khengjoi TD Block, Khengjoi BDO/SDO Office, officer four quarter 4 leh staff quarter, bank building, police outpost building leh security barrack hondawna a nei hi. Chief Minister in a thulegenna a chun, state

government in khamthei dodalna 'War on Drugs' campaign achiapina chung ah November 2020 thabul apat Kani (poppy) chi'n dodalna nasatak ah pat hiding in a gen a, zia ding a chuh district zosia ah police personnel 100 chiat koichuan hiding, Kani chi'nna mun ah pansa, Kani lei suksiatna nasep chiapi ding uh ti'n a gen hi. State sung ah Kani

kichi'ng zosia chu suksiat leh kaldaw vek hiding ahidan gen in, zia ding toh kisai a chuh DGP hiatsakta ahidan agen a, police personnel te chu NAB, Forest Department, CRPF, Assam Rifles, etc te'n kithuapi ding uh ti'n a gen hi. Gamsung ah Kani (poppy) chi'nna ding ah thing leh gua vakthian ngai ahi bak ah chemical fertilizer kimang ahi sek ziak ah Kani chi'n kiti chu gamsung suksiatna chikhat hi'n a gen a, Kani chi'ngte'n chemical fertilizer nasatak ah a matna chung ua, leitawl, nimchim tite um mun mmama ta, danlo gual tak ah khamna thei thil apat sum hawlina leh muna >> a ban pek 2

CCpur Medical College sak patna ding ah MoH&FW, GOI in Rs.75 crs release

CCpur, Oct. 23: Churachandpur Medical College sak patna ding ah Union Ministry of Health and Family Welfare in Rs. 75 crores (first instalment) release bawlta ahidan Chief Minister, N Biren Singh in a taklang a, zia gual medical college chu Manipur tangam ah amasapen hinalai ding ahidan taklang kawm in, Prime Minister Narendra Modi in North East India region leh thingtangmi-te a ngaikhawka chung ah kipak mama ti'n a gen hi. Churachandpur Medical College ahileh Mata khua kiang ah um ding, Rs. 329 crore (centre & state 90:10 funding ratio) bei ah kisa ding, Dinning Hall, Type I, Type II, Type III, Type IV, Type V leh Type VI quarter ti te um ding, medical profession ah postgraduate tiang ziltheina hiding ahi.

Chinlunthang, Ind. Candidate in a kizukkitna chungchang hilchian



CCpur, Oct. 23: Chinlunthang, Independent Candidate, 60 Singngat Assembly Constituency in tuni'n a chenna In uh Zou Veng, Zenhang Lamka ah Workers' Meet a nei a, tuchung by-election ah a kizukkit chungchang hilchianna a nei hi. Zia hun achun, Letpu Haokip, President, Kuki Inpi Churachandpur (KIC); KG Tungnung, General Secretary, United Zou Organisation (UZO) GHQ leh Chinlunthang in thugenna a nei ua, tribe chuamchuan apat mapuitute'n le thugenna a nei u'i. Chinlunthang in a genna ah, hun bangchan ahem apat kisingsa a hi'na ah a kizukkit hi lungkim theinailo maleh doisaktu, ngainatu leh panlakpate chung ah ngaidam a don a, Kuki Inpi, UZO leh Election Committee in nasatak ah a tho ziak ua ki-withdraw a hi'dan gen in, KNO President, PS Haokip inle nasatak ah a zawl ban ah, >> a ban pek 2

MLA ting thak, Ginsuanhau a ding ah Pathian kiang ah kipakthu genna nei



CCpur, Oct. 23: 60 Singngat Assembly Constituency by-election ah Uncontest ah MLA ting thak, Ginsuanhau@GS Haupu Zou a ding ah Pathian kiang ah kipakthu genna tuzingkal dak 11:00 in a chenna, Thangzalang In, Lailam Veng ah a nei u'i. Zia hun chu, TK Hang Suantak, Chairman, Election Committee in a mapui a, Henlianhang Thanglet, Election Coordinator; Benamin Mate, BJP Election in-charge; Khaipao Haokip, MDC, BJP President, Churachandpur Distict leh Vungzagin Valte, Minister (Transport, TA & Hills, GAD) Government of Manipur te'n thugenna a nei ua, BJP mandel chuamchuan apat executive member leh worker ban ah bialsung ah MDC zosia'n le a uap u'i. Zia hun kawmkal achun, DC Office, CCpur ah Pawan Yadav, IAS, Deputy Commissioner, Churachandpur in Ginsuanhau kiang ah teltin a hi'na certificate a piadok a, zia hun achun, Minister Vungzagin ban ah bialsung ah MDC zosia le a pang u'i. Inn a tunkit un, Ginsuanhau lekhabu bawl latna leh pauchap piakna Rev. Khamchinkhai, Senior Executive Secretary, ZPCS in >> a ban pek 2

CCpur ah COVID-19 ziak ah mi 2 in thina tuak

CCpur, Oct. 23: CCpur district sung ah tuni'n COVID-19 natna ziak ah mi 2 in thina a tuak hi. Thina tuakte a hiuleh - Lianchinthang (25) s/o T. Phungzakam of Khominthang, New Lamka leh V. Lalhnuna (78) of Salem Veng ahiu. Lianchinthang hi JNIMS, Imphal a etkol ahia, V. Lalhnuna hi Isolation Ward, District Hospital, CCpur ah etkol a la hui.

CM in RIMS thuneitu-te COVID-19 dinmun genpi

Imphal, Oct. 23: Chief Minister N. Biren Singh in RIMS Jubilee Hall, Lamphelpat ah RIMS thuneitute leh doctor, nurse-te kimupi in state sung ah COVID-19 dinmun toh kisai genkhawmna a neipi hi. Zia hun chu, Rajya Sabha MP Maharaja Leishemba Sanajaoba, Advisor to CM (Health) Dr. Sapam Ranjan, Principal Secretary (Health) Vumlungmang Vualnam, RIMS Director Prof. A. Santa, RIMS Medical Superintendent Prof. Ch. Arunkumar te'n le uap in, maban ah COVID-19 dodalna panlak dingdan a genkhawm ui.

N. Biren Singh in doctors, nurses leh para-medical staff te'n tuhun haksatak ah theitawp a sua zingna chung un pakchat thu a gen a, gamsung venbitna ding ah sepai te'n gamgi gal a do gual ua tuhun ah doctors, nurses leh para-medical staff te'n galdun a gen hi. Doctors, nurses leh para-medical staff te kimupi ah COVID-19 toh kisai a genkhawmpina ziak chu tu nai ah state sung ah COVID-19 positive case kibelap zing ah a umna ziak hiatdaw ding a nawp ziak hi'n Chief Minister in a gen a, COVID-19 positive case kibelap zing sukniam kitthei ahina ding ah doctor te apat suggestion poimaw in a gen hi. Mithiam te'n a gendan ua COVID-19 pandemic chu >> a ban pek 2

CBI in Sr. Account Officer chenna inn ah Rs 50 lakh, ATM leh pension book hunkhawp mudok

Imphal, Oct. 23: Central Bureau of Investigation (CBI) team khat in tuni, 23 October 2020 zingkal-lam dak 4:00 apat in SP. Ng. Khamrang mapuina'n Imphal Police Station



huapsung, Wangoo Sandangkhang a/p Sagolband Meino Leirak ah AG Office, Senior Account Officer Konjengbam Ibothem (60) chenna in bulu in sum (cash) Rs 50 lakh leh ATM card leh pension book hunkhawp, sana (gold jewellery) chuamchuan a mudawki ui. A langkhatlam ah zia thu zik ahi tiang ah Senior Account Officer Konjengbam Ibothem (6) chenna innsung CBI Team in khualzing nalai ahina chung ua detail tak ah a thilmudaw teu taklat a hina pua, zan sawtnung dak 11:00 lam tiang ah insung khualna nei nalai ding un thudawna'n a gen hi.

Opposition Party Leader te'n Governor kimupi

Imphal, Oct. 23: Manipur Legislative Assembly ah Leader of Opposition leh Chief Minister lui Okram Ibobi Singh mapuina tuni'n Opposition



leader te'n Imphal Raj Bhawan ah Governor Dr. Najma Heptulla kimupi in, Parliamentary Secretary ding ah kum 2017 ah MLA 12 guat ah umte disqualify bawl ding in phutna a nei ui. Parliamentary Secretary ding ah MLA 12 kiguat chu Constitution kal ahidan Governor kiang ah gen in, India Constitution toh kituak ah a chung ua action lak ding poimaw ti'n a gen ui. Chun, governor kiang in memorandum piakna le a nei ui. Indian National Congress Party delegation te lak a chun, MLA Gaikhangam, K. Ranjit Singh, Konthoujam Govindas, Keisham Meghachandra Singh leh DD Thaisi te le a pang ui.

CHURACHANDPUR WEATHER

KIGINNI 24, 2020

23° **18°**

HIGH DAY **LOW NIGHT**

Cloudy with widely separated thunderstorms in the afternoon

Cloudy; periods of rain in the evening followed by a thunderstorm in spots late

Max UV Index : 2 Low
Wind NNW : ENE 4 km/h
Wind Gusts : 7 km/h
Precipitation : 7.4 mm
Rain : 7.4 mm
Hours of Precipitation : 1
Hours of Rain : 1
Cloud Cover : 100%

Wind W : ESE 4 km/h
Wind Gusts : 6 km/h
Precipitation : 0.0 mm
Rain : 0.0 mm
Hours of Precipitation : 2
Hours of Rain : 2
Cloud Cover : 92%

EMPLOYMENT NEWS

Manipur State Cooperative Bank Recruitment 2020

Manipur State Cooperative Bank Limited (MSCB Ltd), Imphal invites online applications through the portal www.nerecruitment.in in the prescribed format from eligible young, enthusiastic & dynamic candidates who are looking for a challenging work and progressive career for appointment to the following posts (temporary likely to be permanent):

- Post Name** : 1. **Deputy Manager** (13 post)
(UR -7, ST -4, OBC -2)
2. **Sr. Account Assistant** (25 post)
UR - 12, ST -7, SC -1,
OBC (Meetei/Meitei) - 4,
OBC (Meitei Pangal) -1

Educational Qualification:

Graduate in any discipline from any recognised Universities or any equivalent qualification recognised as such by the Central Government. Candidates must possess the educational qualifications as on 01.09.2020 (inclusive).

Age Limit: a) The candidate should not be less than 21 years and not more than 38 years as on the date of notification

b) The upper age limit is relaxable for eligible employees serving in the Manipur State Cooperative Bank Ltd. to the extent of the period of continuous services put in the post/services and by 5 (five) years for SC/ST candidates, 3 years for OBC candidates, 10 years for candidates belonging to the PWD category and 3 years for persons who are engaged as Recovery Agents in the MSCB Ltd.

Centre of Examination: Imphal.

Start Date to Apply Online: **06/10/2020. (6.00 A.M)**
Last Date to Apply Online: **30/10/2020 (6.00 P.M.)**

Helpdesk: In case of any problem in filling up the form, payment of fee/intimation charges or receipt of Admission/Call letter, queries may be made at Telephone No.: (0385) 2451540 (between 10.30 A.M. to 4.00 P.M.) on all working days.

YVA GHQ Ambulance +91 9856291636
Contact Nos: +91 9612938829
+91 8730810567

Helpline Numbers

- DC Churachandpur** : 03874-234234
Police (SP) : 03874-236747
SP Hotline : 7085256377
Hospital (Casualty) : 03874-233239
Fire Service (Fire brigade) : +91 84159 25191
+91 8974147799
+91 8258057887
Grievance Cell : +91 7085429924
CM 's Anti-Corruption (Watsapp)
: +91 9402150000
Child Line : 1098
COVID-19 Helpline : 1075

District Legal Services Authority, CCpur; **Front Office Helpline No.** (for any legal aid services)
+91-6009904970



Bihar Assembly election a ding ah prime Minister Modi in campaign pan



Patna, Oct. 23: Prime Minister Narendra Modi in tuni'n Bihar Chief Minister & Janta Dal-United President Nitish Kumar toh election rally nei in, in Sasaram, Friday, Oct. 23, 2020. | Photo Credit: PTI
"We are with Nitish Kumar for the development of Bihar," says PM Prime Minister Narendra Modi on Friday began his first Bihar poll rally by paying tribute to Ram Vilas Paswan and Raghuvansh Prasad Singh in Sasaram.
Patna, Oct. 23: Prime Minister Narendra Modi in tuni'n Bihar Chief Minister & Janta

Dal-United President Nitish Kumar toh election rally nei in, NDA government in Dalit-te khantona ding ah panlakna neizing in a gen a, maban kum 10 tiang a ding ah migenthei leh nam niam Dalit te ding ah reservation suk-saube in a gen hi. Nitish Kumar toh Bihar khanto masawna ding buaipi zing ahidan gen in, Bihar state sung ah development a ding ah kum 3 /4 bep nei ahitribute to Ram Vilas Paswan and Raghuvansh Prasad Singh in Sasaram. Mr. Modi in NDA government in medical leh engineering education lam thilte local

October 2022 tiang ah Parliament building thak siamzaw hiding



New Delhi, Oct. 23: Parliament building thak sakna tukum December ah kipan ding leh Ocyober 2022 ah zawthiang hiding a hia, a hinla zia hunsung a chu buaina umlo ah building lui ah Parliament session nei thei a hina ding ah panlakna nei a um ti'n Lok Sabha Secretariat in tuni'n a taklang hi. Building thak sakna nasep hun ah air leh noise pol-

lution suktawm thei-na ding ah panlakna pawimawte hita in, building thak a chu MP zosia'n a chuam chiat ah office kinei chiat ding uh ti ahi. Building thak a hin Constitution Hall thupitak umsak hiding in zia chun MP lounge, library, multiple committee rooms, dining areas leh ample parking space um ding ahi. Chun, building thak a chun Lok Sabha

pau mang ah zilthei ahina ding ah guang-galna a nei dungzui ah khangthak te ding ah common entrance examination khat bep umta ding in a gen a, Bihar ah lobawl mi lakh 74 te PM Kisan Yojna scheme nuai ah a bank accounts Rs 6,000 crore piak ah um hi'n a gen hi.
Bihar state sung ah lei (bridge) siamthakna nasep panna development work chuamch-uam chiapi ah um ahidan gen in, zia te chu lobawlmi-te leh sumkawlveimi (businessmen) te'n phatchuampiding, Nitish Kumar mapuina nuai ah Bihar ah NDA government sukhat ding poimaw in a gen hi.
Bihar ah RJD-led Opposition-te chu thuneina changkit ding ahlem-chang piak hikitulo ding ti'n a gen a, national issue toh kisai ah Mr. Modi in Opposition-te chu J& K ah Article 370 umsakkit ding a phutna chung un a dem hi.

India ah active case 7 lakh nuai tungsuk

New Delhi, oct. 23: India COVID-19 a dodalna chiatha zing in, dak-la 24 chiata sung ah a damdawk 69 lakh val in active case chu 6,97,330 ahia, tha 2 sung ah active case a tawmpen hun ahi. Tu dinmun ah actove case 6,95,509 in, zia chu a veisa lak ah 8.96% ahi. COVID-19 case thak kibelap zing maleh a damdawk hi nisin ah a kibelap zing ziak in active case hi tawm mama ahi. Union Health ministry dungzui dakkal 24 chita sung ah COVID-19 natna a pat a damdawk

thak 73,979 a um tawh 10 a pat a hui a, Maharashtra ah tampen in ni khat sung ah mi 16,000 val a damdawk ua, a ban ah Karnataka in a damdawk 13,000 val tawh 2na a lua'i. A chiata dak-kal 24 sung a khan case thak 54,366 mudaw in a um a, zia te chu Maharashtra leh Kerala a pat 7,000 banah Karnataka a pat 5,000 val ahi. Chun, zia hunsung ma a hin mi 690 in thina tuak in, Maharashtra ah thina tuak a tampen na ding in dakkal 24 sung a khan a kigawm ah mi 198 in COVID-19 ziak in thina a la tuak hi.

Covid- apat pan lak dingdan

"Midang" Masa, "Kei" Ani Naju Krista I Ettawn

~ Rev. Th. Mangthianlal



Tu chung I buainau hi mimal chiat in pan la khawm leu hin ki veng thei ahi. Ahin, tamtak in I ngai nep ua, I nawp I ning I bawl chiat ua. Midang I ngaisak puau ah, ei ma mimal a ding manimasial tak ah I et ziak ua ziatiang hi tung ihitau. Ahin la a kikhel ahi nai puai. Pan lakding dan a um nalai hi.

- 1.Kipakna hun:** Kipak nah un hi a thei leh hun um nalai ding ah chuan guat ding ahi, Chuan thei lo a umtak leh, pastor, kochuam upa leh mimal innkuan khat leh ni chou ah mat mai ding ahi. Pianchampha haw hi gam buai lai tak ah mahnimasial tak ah mat tei tei guat ding ahi puai. A lo thei lo ah I mat ding ahi leh pastor/Upa tawh ei innkuan bep tawh mat ding. A thie ahi chun, Pastor/Upa umlo ah ei innkuan chou in mat mai ding ahi Pathian kiangah kiapk thu gen kawm in. Kichenna ahi leh Innsung dongcha te tawh (naupang haw pang lo in), Pastor pa tawh, bial ah Kochuam Upa tawh, mo nu leh mo pa innkuan khat leh nitawh mat mai ding ahi, tu lai tak I dinmun et in. Zia chu hoi I sak lo ahi chun, ahun ding khawphat lam ah chawn mai ding ahi! Mahni masial ah ei program lawk leh hoi na ding chou ngaitua ah Kochuam pite leh I khawtan'g zosia natna hi leng lak ah veng zaw lo thei ahi ti hezing hitiu. Tawmngaina chu, tuhun laitak ading ahin, I kipak na pen pen leh khawvel ah I mimal leh innkuan in I thawtnop pen pen na haw hi le cha'n ngam ngai ahi.

- 2.Da um hun:** Da um hun ah Kochuam ahem Tawmngai pawl te (amau a um lo leh local youthte) ngansia ah mimal kikak ah mi tawm thei pen hall ah um ding ah volunteer khat ah siam ding ahi. Ngaina a hunt e chu minute 3/5 lak um in tin uh kile kit mai leu pha ding ahi. A lo thei lo inn kuan sung ale a inn kuan diak te chou um mai leu pha ding in ginchak ahi. Tulai kua masap I kipan pi tua na leh tawmngaina himai in tin, da nil eh ka ni ah mitawm ding hi khawk sa puai tiu. I gam leh khosung adding ah I bawl thie leh hithei zia chu ahi Covid gal I dou nau ahin.

- 3.Kochuam kikhawpna vai ah:** Khau deu ah mimal kikak ah I kikhawp thei bep ding ahi chun kikhawp ding ahi. Zia chu le mi tawm cha kikhawp ding ahi, muk leh nak tuam pum ah. Kitawm leh kinaicha I kikhawp ding ahi chun biakinn khak ah online ah kikhawp zawk mai ding ahi tuhun lai tak ahin. Kochuam puitute ahem, Khanglaite ahem in khautak in volunteer te'n kikhawpna a etkol ding uh ahi natna hikpi I kikai sawn lo na ding un. Mi mai zaw'n en ah pau lo ding ahi.

Lochal leh chapou tak in covid lau lo gual in um puai tiu suapite. Nang leh kei chu ei suliam lo mai thei ahi. Ahin, nagn ziak ah kochuam leh khotang an midang in thi na tiang le tuak kholaw thei ahiu. "Kei", "keima" leh "kei chou" ti lunggel paw puai tiu. Tawmngai na tak tak leh Pathian hiatna chu zia hi ahi - midang, kochuam sung, khawta'ng leh I gam sung ah dam na ding ngaitua hi ahi. Ei ma mimal utna, kipakna leh thatnawp na chou ngaitua ding leh bawl ding ahi puai. Covid hun ahin I thasuak ding leh piakdaw ding I hau hi. Jesus Krista in Kross ah kiphah leh kipumpiak ah nang leh kei leh khawvel zosia ading a ngaitua gual in nang leh kei in leh midang ading ah tuhun ahi I ngaitua leh thasuak ding ahi. Covid apat kivenna ding in nang ut leh thatnawp amasapen in koi kin la, midang leh khawtan'g ading amasapen in koi in. Mahni masial tak in nang masa kin, midang damna ding koi masa in. Hun pangai gual ahi lo ziak in thil I it, thatnawp leh bawl ut tamtak I chan vek uh ngai ahi ti hemil puai tiu.

Manipur COVID-19 ziaak ah thina tuak 132 hita

Imphal, Oct. 23: Manipur ah achiata dakkal 24 sung in COVID 19 ziaak ah mi 5 te'n thina tuakbe kit in, thina tuak akigawm ah 132 a tingto hi. Thina tuak mi 5 te chu Churachandpur apat pawsal kum 73 mi khat leh kum 22 mi khat banah Imphal East ah numei kum 59 mi khat, Imphal West ah numei kum 59 mi khat leh Chandel ah kum 50 mi numei khat ahiu a, Home isolation, JNIMS, District hospital Chandel leh RIMS ah thi a hui.


Chun, a chiata dakkal 24 sung in Manipur ah COVID-19 natna nei thak minautang apat 154 mudaw in a um a, Central Armed Police Force apat positive 2 mudaw ahi. COVID 19 positive case mudaw thak ah umte chu District 12 apat ahiu a, testing facility mun 23 ah mudaw ahiu. Minautang lak apat kimudaw COVID-19 positive te chu local mi khalzin khalo ahiu.

A langkhatlam ah achiata dakkal 24 sung in COVID-19 natna nei mi 169 te damdaw in, COVID care facility mun 15 apat discharge bawl in a um ui.

Tudinmun ah Manipur state sung in COVID-19 positive case 16,777 a tingto a, zia lak a chuh natna neizing nalai 4,083 um in, a damdaw kitta 12,562 a um hi. Recovery rate ahileh 74.87 percent a tung hi.

El Clasico ah Sergio Ramos pangtheita ding: Zidane

Madrid, Oct. 23: Real Madrid coach Zinedine Zidane in capain Sergio Ramos chu a liamna apat damdawkkitta ahidan taklang in Kiginni ah in La Liga El Clasico ah Barcelona toh match a nei hun ua kiheltheita ding ti'n a gen hi.



Sergio Ramos ahileh hapta masa Real Madrid in La Liga ah Cadiz FC toh match a nei hun ua liamna ziaak ah halftime zaw ah kihel zawm theilo ah um ahi. Capain Sergio Ramos chu kihelthei kitta ding ah um maleh Real Madrid first team player te lak ah Eden Hazard, Dani Carvajal, Alvaro Odriozola leh Martin Odegaard te chu a dinmun uh kichian nailo ah taklat in a um hi.

A langkhatlam ah Barcelona player te lak ah Jordi Alba chu kihelpan kitthei ding in a um a, himaleh Marc-Andre ter Stegen leh Samuel Umtiti chu kihelpan kit ziang thei nailo ding ua taklat ahi.

Cricket: England player zosia'n 15% pay cut lemsa vek

London, Oct. 23: England player zosia'n, tha 12 sung a di'n, 15% pay-cut ding chu lem a sa vek ui. Zia thupukna chu England leh Wales Cricket Board (ECB) leh Team England Player Partnership (TEPP) in genkhawmna nei ah thupukna a lak uh ahi. Covid-19 pandemic ziaak ah England leh Wales Cricket Board te revenue chu nasatak ah kiam ahi dungzui ah zia gual thupukna chu a siam uh ahi.



TEPP Chairman, Richard Bevan in, player zosia kipiak zo'na chu pakcha mama in kipakthu a puang hi.

Europa League: Tottenham in zo, Celtic in AC Milan lel

London, Oct. 23: Achiatha zing Europa League ah Tottenham in Austria club LASK chu a zintun ua, 3-0 in nuamtak in a zo hi. Gareth Bale in Tottenham min a kihel niveina ahi pan bok hi. Match dang ah chun, Rapid Vienna in Arsenal a zintun ua, goal khum masa maleu Arsenal in 2-1 a gualzo daih hi. Zia kihelna a chun, Rapid Vienna a ding in Taxiarchis Fountas in min 51 in goal a khum a, Arsenal a ding in David Luiz leh Aubameyang in goal 1 gel a khum ui. Group dang kihelna ah chun, Roma in BSC Young boys chu 2-1 in a zo ua, Group C ah Bayer Leverkusen in Nice chu 6-2 tak in a zo ui. Group E ah PSV in Granada chu 2-1 in a lel hi. AZ Alkmaar ah player 13 coronavirus natna ziaakin a kihel thei puau a, ahinla mak tak mai in Napoli chu 1-0 in a zo tho tho hi. English club Leicester City in Zorya chu 3-0 in a zo a, German club Hoffenheim in Red Star Belgrade chu 2-0 in a zo hi.

March 2021 tiang ah Assam-Mizoram gamgi buaina sukven hiding: Garg



New Delhi, Oct. 23: Ministry of home affairs (MHA) ah Joint Secretary (Northeast), Satyendra Garg in Assam-Mizoram buaina sukvenna ding ah panla in kumkit March tiang ah a sukven ding kinep um hi'n a gen hi. Mizoram ve'na

nei Satyendra Garg in Mizoram Governor PS Sreedharan Pillai, chief minister Zoramthanga kimupi in state chief secretary Lanunmawia Chuaungo leh civil society organisation dang dang tawh gamgi nuaina chung chang ah meeting a neipi a, CSO-

te'n ngaidan a neite uh meeting hun ah pawlut un a gen hi.

Joint Secretary (North-east), Satyendra Garg in Governor a kimupi hun ah ama mapuina nuai ah joint border talks a nei hun ua thupukna umte Governor kiang a tut hi. Assam-Mizoram border buaina ahileh 17 October 2020 nitak ah sosang thak in, Vairengte local mite leh Lailapur village, Cachar district, Assam local mite kal ah kinawktuana piang in Bukchann 6 val hal in a um a, mi bangzat ahi em te'n liamna atuak ui.

Zillai CCpur Block Annual Sports Meet kipan

Saipum, Oct. 23: Zillai Churachandpur Block saina nuai ah tuni'n Annual Sports Meet - 2020 hawna a um hi. Zia hun a hin Special Guest hina tawh uap, Lian Thangvung in Annual Sports Meet hawna'n kick-off a nei hi. Special Guest in a thugenna ah Zillaite hun hawitak ah zui dik ding in chialna a bawl a, puitute'n zui dik maleu mipite'n a zuidik diaklo ua leh phachuam diaklo ding hi'n a gen hi. Chun, eimite a ding ah nunawp ah kipawlkhawmna ding vang mama ahina ah zia gual sports meet te chu a nawp theipen ding leh kimelhiatuana ah mang chiat ding in chialna a bawl hi. Annual Sports Meet - 2020 a hin team 40 val in min a khum ua, zing, October 24 nitaklak dak 3:30 ah Closing ceremony leh final match um ding ahi. Sports Meet a hin pawsal football banah numei leh pawsal volleyball a um a, mimal ah airgun kap leh target kick a um hi.

World Cup qualifying: Brazil striker Jesus leh goalkeeper Alisson kiheltheita ding

Brasilia, Oct. 23: Five-time World Cup champions Brazil in World Cup qualifying ah Nov. 13 leh Sao Paulo ah Venezuela leh Montevideo ah Nov. 17 ah Uruguay amaituana ding ua, liamna tuak Brazil striker Gabriel Jesus leh goalkeeper Alisson te le kihelna pang kitta ding ahidan uh taklat in a um hi. Brazil striker Gabriel Jesus ahileh akihelna club Manchester City ah liamna ziaak ah September apat kihel theilo ah um, Alisson ahileh Liverpool games tamtak ah kihel thei talo ahi. Brazil player te lak a chun, Neymar, Roberto Firmino leh Philippe Coutinho te le kihelna pang ding ua taklat in a um hi. Brazil coach Tite in Real Madrid ah kihel, winger Vinicius Junior le kihel



theita ding in a gen hi. Militao (Real Madrid); Midfielders: Casemiro (Real Madrid), Douglas Luiz (Aston Villa), Arthur (Juventus), Everton Ribeiro (Flamengo), Fabinho (Liverpool), Philippe Coutinho (Barcelona); Forwards: Roberto Firmino (Liverpool), Gabriel Jesus (Manchester City), Neymar (Paris Saint-Germain), Richarlison (Everton). Everton (Benfica), Vinicius Junior (Real Madrid)

theita ding in a gen hi. Militao (Real Madrid); Midfielders: Casemiro (Real Madrid), Douglas Luiz (Aston Villa), Arthur (Juventus), Everton Ribeiro (Flamengo), Fabinho (Liverpool), Philippe Coutinho (Barcelona); Forwards: Roberto Firmino (Liverpool), Gabriel Jesus (Manchester City), Neymar (Paris Saint-Germain), Richarlison (Everton). Everton (Benfica), Vinicius Junior (Real Madrid)

Mumbai City FC in goalkeeper Lachenpa lalut

Mumbai, Oct. 23: Indian Super League (ISL) club Mumbai City FC in Shillong Lajong FC keeper Phurba Lachenpa chu tuni'n a lalut hi. Kum 22 ah upa, Lachenpa in Mumbai City FC ah 2024 chan daiding in contract a zik hi. Shillong Lajong FC Academy a graduate, Lachenpa ahileh 2015 apat Meghalaya



club, Shillong Lajong FC ah kihelpan in, Season 4 sung in match 24 kihel in, I-League club

Real Kashmir in 2019 in a lut hi. Real Kashmir a ding in, match 19 kihel in, goal 17 bep a thasuak hi. Ama goalkeeper Amrinder Singh toh Mumbai City FC ah first choice ding hiding kichu ding ahiu. Coach Sergio Lobera in Lachenpa chu a pakcha ma ma a, season lui ah I-League a keeper thiampen ahidan a gen hi.

ADCC nuai ah Primary leh Upper Primary School te'n NISHTHA/DIKSHA training nei



CCpur, Oct. 23: Autonomous District Council Churachandpur (ADCC) nuai ah Primary leh Upper Primary School te'n Oct. 23 apat Oct. 28 tiang District Council Hall, ADC Office, Tuibong ah online class lak ding dan toh kisai ah National Initiative for School Heads' and Teachers' Holistic Advancement (NISHTHA)/ Digital Infrastructure for Knowledge Sharing (DIKSHA) training dak 11 in a pan u'i. Tunin CCpur block ah school 43 apat Headmaster/Headmistress leh Primary Teacher te'n zingkal dak 11 apat nitaklak dak 2 sung training a bawl ua, Oct. 26 leh Henglep Block apat school 41 in nei ding ahiu a, Oct. 27 leh Samulamlan block apat school 32 leh Tipaimukh block apat school 5 in nei ding ahiu. Chuleh, Oct. 28 leh Singngat block apat school 27 leh Thanlon block apat school 22 in nei ding ahiu. Training hun sung ah NISHTHA/DIKSHA toh kisai Master Trainer Henminlal, AI incharge, leh Robert Thanglungman Manlung, Computer Operator te'n ziltina nei ding ahiu.

Tuilet ziaak ah haksatna tuakte ding ah Helpline No. 1070

Imphal, Oct. 23: Tu lak cheng gua a zuk zing dungzui ah state sung mun chuamchuam in tui a lian a, mun khenkhat in 'Warning Level' tiang a tung hi. Zia chu toh kiton in, Director, Relief and Disaster Management, Manipur in Standard Disaster Helpline number 1070 (Jio tilo network dang zosia call thei) ah buaina tuak te'n State Emergency Operation Centre (SEOC) thuiat thei hiding ti'n a taklang a, telephone number 0385-2443441 ah le buaina tuakkha te'n thuiat thei ding ti'n a taklang hi.

Juventus in hapta kit le Barcelona toh match a neina ding ua Cristiano Ronaldo pangthei nailo ding

Turin, Oct. 23: COVID-19 natna vei ziaak ah etkawh ah um, Cristiano Ronaldo chu test bawlkit ah a umnung ah a result positive hizawm nalai ahi ziaak in, UEFA Champions League ah Juventus in hapta kit le Barcelona toh match a nei hun ua pang thei nailo ding ahi. Kum 35 ah upa Cristiano Ronaldo ahileh October 13 ah COVID-19 positive ah mudaw ah um, Portugal in UEFA Nations League game ah Sweden amaitua hun ah le kihel thei talo ahi. Ronaldo ahileh UEFA Champions League ah all-time top-scorer ahia, UEFA Nations League game ah Portugal in 0-0 ah France a ki-drawpi hun ah a kihel khel ah kihel thei talo phawt ahi.



FOOTBALL THUTHANG

- Tottenham manager lui Mauricio Pochettino leh Real Madrid reserve team boss Raul in Real Madrid in Manager Zidane apai ua ahileh a munlua ding hi ah taklat in a um hi.
- Arsenal leh Germany midfielder lui Mesut Ozil chu US club MLS ah lut maithei.
- Manchester City manager Pep Guardiola in Spain defender Eric Garcia (19) toh contract thak suaikaina ding ah kihona neipi ding in a kigen hi.
- Arsenal in Donyell Malen (21) chu PSV Eindhoven apat chawkdaw ding gua ahidan taklat in a um hi.
- Liverpool in Schalke leh Turkey international defender Ozan Kabak (20) chu Van Dijk thatheng ding ah laklut ding gua hi'n ataklang hi.